

四庫全書

子部

欽定四庫全書

萬姓統譜卷一百十二 明 凌迪知 撰

入聲

一屋

谷 上谷羽音

漢 谷吉 衛司馬代  
居長安

谷永 字子雲 吉子 長安人 博通經書 元帝時為太常丞 數上疏言得失 遷光祿大夫 終大司農

谷郎 未陽人 事繼母以孝聞 歷官遷大中 正時南州叛 以郎往南州 恩威素著 遷九真太守

谷崇

冠恂妙子也常將突騎為前鋒為偏將軍

谷春

檄陽人成帝時為郎病死而尸不冷三年更着冠憤坐縣門上人大驚家人迎之不肯發棺視

有衣無尸留門上三宿去之長安止橫門上人知追迎之復去之太白山立祠於山上時來至

其山祠中

止宿焉

三谷利

孫權於武昌新裝大船名為長安試泛之金匄臺沂時風大利令拖工竟取樊口權曰當張頭

取羅州利拔刀向拖工曰不取樊口者斬工即轉入樊風遂猛不可行乃還權曰阿利畏水何

怯也利曰主萬乘之主輕於不測之淵戲於猛浪之中船樓裝高邈迨顛危其如社稷何是以

利輒敢以死諍權於是貴重之自此後不復名之常呼曰谷

谷洪 著荊州浩  
筆法十卷

晉 谷儉

挂陽人少有志節博涉經史元帝時  
舉秀才試高等關郎尋棄官去

南 北 谷袞

昌黎人膂力兼人彎弓三百斤勇  
冠一時仕慕容垂關武將軍

谷渾

字元冲袞子少有父風任俠尚氣關  
經業遂覽羣籍衣服類儒者太武即位關  
授 遣侍

中安南  
將軍

唐 谷那律

淹貫羣書褚遂良稱為九經庫貞  
觀中為國子博士遷諫議大夫

宋 谷大興

谷大方

曹州人  
登科

元谷廷珪襄陽縣尹特默格兵入境官吏皆遁廷珪與王簿張德獨不去被執使降不屈死之

谷椿

衡州人登科

谷大忠

興仁人登科

明谷庸

固城人永樂間知登封縣居民席守中姪被虎傷死庸齋沐投疏中岳祠不旬日虎自投於守

中井中人以  
為德政所至

谷景

字德雅成化間都指揮同知掌山東都司事

谷景通

房山人弘治間知陽城縣廉介自持為政有紀律人不敢干以私性翫髒竟以杖小吏受

答於上司憂憤而  
卒民咨嗟惜之

谷高

字仰之正德甲戌進士祥符人歷副使

谷宇齡

字道延祥符人嘉靖乙未進士任知縣

谷嶠

字惟升興州人嘉靖戊戌進士歷都御史

谷鍾秀

字毓卿餘姚人嘉靖辛丑進士歷叅議

谷中虛

字聲甫山東益都人嘉靖甲辰進士兵部左侍郎

郁

黎陽宮音魯相郁貢子孫因居之天望出魯國今吳興有此姓

周郁貢

相魯

郁

闕

郁澄涇江人  
俱登科

郁闕

郁紹廷字仁卿遂寧人  
咸淳間進士

郁闕  
安福人淳祐進士

郁繼善深於醫術其砭焮之妙得之鳳陽劉伯淵  
淵得之太師竇文正公故學有淵源為時所

重子孫皆以醫仕

明郁新臨淮人洪武中以才能舉授戶部主事累陞侍郎新長於訾算奏事稱旨秩滿陞尚書卒賜葬

祭

郁瑞卿

吳縣人至正間初為常熟州戶曹吏富人徐忠以白金百兩來賀瑞卿堅拒不受或曰彼

以禮覬非有所為也奈何不受郁曰忠為富民官有所徵必先及忠受其覬而不能免其徵吾

弗能為也終不受洪武間

以疾卒於家年六十九

郁綸

字理之德州人景泰進士知崇德縣時署廢久綸自學校壇壝街巷河渠市肆之類悉規畫繕

理大盜章正等為患設方略擒之以素剛直不能俯仰忤當路罷去縣人以為遺恨

郁文博

上海人景泰甲戌進士歷副使

郁容

常熟人成化進士

郁侃

字希正上海人弘治壬戌進士任御史以事補外正德八年知均州性頗急聽訟與民相辨至



或不及施刑輒自起拔民之髮然亦旋復知海官至潮州府知府

郁浩

湖廣永寧衛人第進士正德末除汾州知州政尚簡嚴力興學校每朔望為諸生講說經義疊不倦時廟學頽圯遂大加修葺增建泮池及龍池馬陞戶部員外至按察僉事

郁勳

常熟人弘治進士

郁震

字昂文為太醫院官三使西番有功

郁采

字亮之山陰人正德戊辰進士授刑部主事性剛直不屑附阿謫同知裕州會劉六劉七率眾攻掠采誓拒守城陷力戰而死詔贈光祿寺少卿錄一子入監仍命有司立祠祀之

郁山

字子靜華亭人正德丁丑進士歷知府

牧 弘農商音黃帝臣力牧之後見風俗通

周  
牧皮

牧仲

漢  
牧良 越雋太守

明  
牧文正 分水人正統中  
任清流縣知縣

牧義 弋陽人景泰中  
任興化府推官

牧相 紹興人弘  
治進士

穆 河南羽音宋穆公之後支孫氏焉

欽定四庫全書

漢書卷一百十二

五

漢穆生

魯人楚元王交少時與穆生白生申公授詩於浮邱伯後元王至楚以生等為中大夫敬禮之

生不嗜酒每置酒常為設醴及王戊嗣位常設後乃忘設生曰可以逝矣醴酒不設王之意怠

去遂

穆商

著甲氣攝生論四卷

三穆良

字德充司空行參軍將作丞司徒祭酒安東將軍南鉅鹿太守有民譽

南穆崇

代人機捷便辟道武居獨孤部崇常往來奉給窟吐吐難道武賴崇力得免甚見寵待後拜征

虜將軍從平中原賜爵應陽公太和中和追封功臣以崇配饗

穆觀

字闓拔崇子少以文藝知名魏太武監國觀為右弼出則統攝朝政入則應對左右崇子觀觀

子壽壽子平國平國

王

穆壽

觀子襲爵尚樂陵公主拜駙馬都尉明敏有父風太武愛重之擢為下大夫敷奏機辯有聲內

外遷侍中中書監領南郡尚

書進爵宜都王諡曰文宣

穆羅

壽弟尚新平公主拜駙馬都尉虎牢鎮將汾州刺史州人諂闕稱羅恩德孝文以羅政和人悅

增秩徵為

光祿勳

穆亮

羅弟字幼輔早有風度獻文時起家侍御史尚中山長公主封駙馬都尉加侍中封長樂王擊

走吐谷渾徵為

尚書左僕射

穆士儒

字叔賢崇立孫為太尉參軍事少好學無所不覽求天下書逢即寫錄所得萬餘卷魏末

為散騎  
常侍

穆紹

字永業亮子尚琅邪公主拜駙馬都尉歷秘書監侍中中衛將軍太常卿中書令七兵殿中二

尚書紹資性方重罕接賓客領軍元義當權薰灼曾往紹宅紹送下階而已時人嘆尚之爾朱

榮召紹紹捧手不拜榮亦矯意禮之顧謂人曰穆紹不虛作大家兒普泰中進爵為王

穆弼

崇曾孫有風格善自位置涉獵經史與長孫承業陸希道等齊名宣武初為廣平王懷國郎中

令數有匡諫之益除中書舍人卒諡曰懿

穆顓

弼弟有才力以侍御郎從太武征赫連昌勇冠一時拜司衛監從太武田嶧山有虎突出顓搏

而獲之帝歎曰詩云有力如虎顓乃過之後從征白龍以功進爵建安公後拜尚書出鎮淳州

唐穆寧

河內人剛正負氣節初以明經調鹽川尉安祿山反遣使誘寧寧斬以徇仕肅代二朝累官太

子諭德終秘書監長子贊御史中丞次質右補闕次員侍御史次賞監察御史昆弟皆和粹世

以珍味目之贊為酪質為酥員為醍醐賞為乳鬻

穆贊

字叔明寧長子為宣歙池觀察使先是劉贊刺宣竭州藏進奉以結主恩贊死崔行代之大有

儲積及贊代行府庫益充以錢四十萬假民輸賦歲旱民無流逋焉

穆質

寧次子強直應制策入第三等其所條對至今傳之自補闕至給事中時政得失未嘗不先論

諫元和初掌賦使院多擅禁繫戶人而有笞掠至死者質乃論奏鹽鐵轉運司應決私鹽繫囚須與州府長吏斷決自是刑名畫一憲宗以王承宗叛用內官吐突承璀為招討使質率同列

伏闕論奏言自古無以中官為將帥者上雖改其名心頗不悅尋改質為太子左庶子

穆員

質之弟工文辭尚節義杜亞為東都留守辟為從事檢校員外郎早卒有文集十卷員兄弟俱

有令譽近代士大夫言家法者以穆氏為高

穆寂

貞元中與劉師老應科目時太府卿韋渠牟王劉金吾李齊運王穆元名子曰太尉當天升穆

老尚書倒地落劉師劉禹錫曰名場之險

宋

穆修

字伯長汝陽人賜進士第累官潁州文學參軍徙蔡州修正直性剛介寡合自五代文散宋初

柳開始為古文其後復尚聲偶修獨以古文稱所著有詩書序記誌等數十首嘗傳數學於李

挺之至邵雍遂大顯

穆行字昌叔河內人累官直龍圖閣知慶嘗從韓絳宣撫陝西遇慶卒潰亂行母在耀亟謁歸卒知

行名不改近元祐初大臣有議棄熙蘭者行以為不可議遂止

穆檣祖為衡陽縣尉元將烏拉罕入寇檣祖提關東岸楊林廟相拒七晝夜卒完衡民李闕薦知

縣事任至湖北提刑

穆栖梧朝議大夫

穆守危

穆琪河中人俱嘉祐登科

明穆鐸高唐人洪武中任廣東僉事



穆榮

洪武三年以儒士舉知金谿時賦額未定丈量田土分疆界以定租額民永賴焉

穆孔暉

字伯潛蒙邑人弘治乙丑進士  
歷禮部左侍郎兼學士諡文簡

穆相

字伯寅三原人正德進士授沂水令外書六事  
內書四知以自勵政績卓聞陞監察御史以身

任事抗言直諫  
人稱強御史

穆世傑

字文英涇陽人正德進士明春秋兼通法律  
授江西樂安知縣平桃源洞賊以功蔭子為

千戶

穆寧中

字允執府軍前衛人嘉靖癸丑進士歷郎中

嘉靖壬戌進士穆文熙字敬甫東  
明人任行人歷吏部員外陞副使

卜西河羽音周禮卜人氏以官為氏又望出武陵河南

周

卜偃

晉人獻公時為掌卜大夫初公使荀息伐虢圍上陽問偃曰吾其濟乎對曰克之童謠云丙之晨龍尾服辰均服振振取虢之旂鷄之賁賁天策焯焯火中成軍號公其奔其九月十月之交

乎如期

滅之

卜商

字子夏衛人孔子弟子居文學科為人篤實退而老於西河教授門人魏文侯師事之後世封河東公

卜徒父

秦之掌龜卜者也秦穆公十五年將伐晉使卜徒父筮之吉曰涉河侯車敗穆公詰之對曰乃大吉也三敗必復晉君其卦遇蠱曰千乘三去三去之餘獲其雄狐夫狐蠱必其君也蠱

之貞風也其悔山也歲云秋矣我落其實而取其材所以克也實落材亡不敗何待及戰三敗

晉師於韓果獲

晉惠公以歸

漢

卜式

河南人以田畜為事武帝時詣朝願輸家財助邊召拜中郎初式不願為郎令牧羊上林歲餘羊肥息上善之式曰治民亦猶是也惡者輒去母令毀羣上奇其言拜緱氏令後為御史大夫賜

爵闕

內侯

晉

卜靜

字玄風吳縣人與同郡陸遜比肩齊聲終剡令

卜瑀

字子玉少好讀書精易郭璞見而歎曰吾所弗如也奈何不免兵厄瑀曰然吾大厄在四十一

位為卿相當受禍耳不爾

者亦猛獸所害已而果然

南卜天與餘抗人善騎射有勇力容貌嚴毅文帝推為  
北卜天與廣威將軍太子劬入弒事變倉卒諸將望風

屈謝天與獨射擊  
之臂斷乃遇害

卜天生

天與弟少為隊將十人同火屋後有一坑廣  
二丈餘十人共跳之皆度唯天生墜天生乃

取實中苦竹刺其端使利交橫布坑內更呼等  
類共跳並懼不敢天生乃復跳之往反十餘曾  
無留礙眾並歎服以兄死節為孝  
武所留心大明末為弋陽太守

卜伯宗

天與子殿中將軍泰始初領幢擊南賊於  
楮圻戰沒弟伯興官至南平昌太守卒

唐卜吉

嘗為上元令安和不擾公餘之暇輒閉戶  
讀書而政事亦辦在職數年民懷思之

宋

卜强本

歸安人紹  
興登科

卜伸會稽人為尚書郎

卜瑞孫乾道八年以右從仕郎知六合縣事

元卜天璋洛陽人負直氣讀書史識成敗大體屢官山南廉訪使厲風紀清吏治州郡肅然嘗條陳

十二事凡萬餘言目之曰中興濟治策後謝病居汴以餘祿施其族黨卒贈河南郡侯諡正獻

卜理山西廉訪使治中時中興縣為江漢屏蔽卜理每按臨所部威惠翕然至正中興理力戰被執

不屈而死

明卜萬大寧大將也謀勇自負效死無恨每戰輒先登北平兵畏萬萬部將陳亨欲降燕畏萬不敢發

文皇貽萬書盛稱萬極詆毀亨緘識牢密名所獲大寧卒解縛厚賞之置書衣中俾歸密與萬

故使同獲卒見之怪問守者曰彼何為得此守者曰我得侍行請惟命無庸守戎者為請得俱遣竟不與賞不得賞者大恚即至發其事劉真陳亨搜卒衣得與萬書遂疑萬執下獄籍其家未幾亨竟降

卜謙字宗讓穎上人領永樂辛卯鄉薦授工科給事中嘗從皇太孫南京監國忠於輔導值內外艱廬墓側六載宣德間仍以給事中直文華殿嘗陳十事見嘉納陞陝西僉事正統中陞山東副使

卜吉桐鄉人天順二年貢士任崇安縣訓導陞武陵縣學教諭行誼重於一鄉年九十五而卒

卜同宜興人成化進士任僉事

卜思敏

字行甫江陰人弘治壬戌進士任太常博士

卜震

高郵人正德中任石城縣知縣

卜大同

字吉甫秀水人嘉靖戊戌進士歷官副使弟大有丁未進士歷知府天順癸丑進士歷吏

部郎

中

嘉靖壬戌進士卜

相任叅政秀水人

隆慶庚午科舉人

卜履吉應天府人

木吳興商音端木賜之後因避仇改為木又百濟八姓

其一曰木氏

漢木仁見印

藪

晉木華字玄虛作海賦  
為揚駿主簿

木槩著戰國策春秋十二篇

南木德信少孤過姊家為雞黍而不受  
後為三府長史名播異域

宋木炎開封人熙寧登科

木輅溫州人崇寧登科

木待問字蘊之永嘉人隆興初進士第一為太子詹事累官至禮部尚書卒贈少師

木楹字濟之濟南人建炎登第累官浙東帥府參謀終左朝請大夫居官皆有惠政民甚德之

木輒瑞安人元符進士京西提舉



木輓

瑞安人崇寧進士知贛州

木宓

連江人慶元五年特奏名

木震

瑞安人

木礪

瑞安人紹興進士

木天駿

字德遠礪子與止齋同里閉得其緒餘登嘉熙第教授永州發明張南軒學以淑諸生課講嚴整士論允愜調福建帳司知閩縣閩號劇邑有政聲子元思在太學衆推其文行蓋不墜

夫先業云

元木華黎

封忠武王經畧遠東民甚戴之

明

木景方

瑞安人資稟淳厚受書於朱文憲得朱公微旨為文典雅足式後進洪武初舉為國學訓

導復以明經薦於朝試陽舒陰慘論稱旨授國子監學錄自祭酒以下咸愛重之所淑俊義居

多陞助教

卒於官

木寅

洪武初歸善知縣長於撫字民甚德之

木訥

錢塘人永樂辛卯浙江解元

木森

瑞安人宣德中任福清教諭

木昱

錢塘人成化中六合縣教諭

木繼先

章邱人嘉靖中邯鄲縣知縣

萬歷間雲南永昌衛  
指揮木元瑞狄道人

沐河間羽音即木

漢沐寵東平太守

沐茂洛陽令上書救  
李雲貶秩二等

明沐英字文英定遠人初賜朱姓後復沐姓開國累功  
封西平侯洪武中同潁川侯傅友德平雲南英

好賢禮士善撫士卒初下雲南留鎮其地宣布  
恩信招懷番酋得其懽心或有叛者喻之不下

然後加兵夷人皆畏愛之無復叛者及卒夷人  
為之流涕罷市追封黔寧王諡昭靖子春襲侯

爵繼鎮雲南

沐晟

春弟繼春爵鎮守雲南撫綏夷人以恩惠夷人時節以禮來見必親延接宴以醉飽由是遠近

化服無不感戴永樂中以平交趾有功進封黔國公在鎮四十年地方寧謐卒追封定遠王謚

敬忠

沐昂

晟弟謀勇過人思任發叛昂以都督統兵征勦擣其巢穴遂平賊寨留鎮雲南號令嚴明夷人

警服邊徼肅然卒贈定邊伯謚武襄

沐璘

昂子以都督鎮雲南讀書工詩撫治有方夷人悅服

萬歷間滄州判官  
沐嵐江寧縣人

伏

太原商音伏羲風姓之後子孫氏焉與任宿須句顓臾同祖又望出高陽

漢伏勝

濟南人秦博士文帝時求能治尚書者伏生老不能行使晁錯往受之得二十九篇今文尚書

也是也

伏理

琅邪東武人時匡衡詩學精習理與師丹同受詩於衡官至高密王傳由是齊詩有師伏之學

伏湛

字惠公東武人伏生九世孫父理當世名儒湛少傳父業教授數百人更始時為平原太守時

天下兵起一郡賴湛以全光武徵拜大司徒封陽都侯又秦行鄉飲酒禮自伏生以後世傳經

學清靜無競故東州號為伏不闕

伏隆

字伯文湛子以節操立名光武時張步據齊地隆為太中大夫移檄告以順逆青徐羣盜皆降

步遣使隨隆詣闕下光武拜隆光祿大夫遣使於步步欲自王留隆共守二州隆不從為步所

殺平收隆喪賜  
棺斂作冢琅邪

伏恭

字叔齊湛兄子初湛弟黥以明齊詩改定章句  
作解說九篇恭少傳黥學光武時除劇令遷常

山太守敦修學校教授不倦明帝臨雍拜恭  
為司空儒者榮之肅宗行饗禮以恭為三老  
伏晨湛孫謙恭博愛好學尤  
薦女孫為順帝貴人

伏黯

字稚文明齊詩  
作詩解九篇

伏無忌

桓帝時與延篤  
等著書東觀

晉

伏滔

字玄度武帝時嘗會於西堂滔預坐還至家先  
呼子系之謂之曰百人高會天子先問滔在坐

否此故  
未易得

伏系之

光祿大夫

伏胤

司馬都護

南伏曼容

字公儀平昌人少篤學善老易為尚書外兵郎受徒常數十百人為臨海太守有善政子

恒有重名

伏暉

字互耀曼容之子幼傳父業能言立理與樂安任昉彭城劉曼俱知名梁武帝踐祚兼五經博

士與吏部尚書徐勉中書侍郎周捨總知五禮事出為永陽內史在郡清潔政務安靜徙新安

太守在郡清恪人賦稅不登者輒以太守田米助之郡多麻苧家人乃至無以為繩其屬志如此

為國子博士時始興內史何遠累著清績武帝擢為黃門侍郎俄遷信武將軍監吳郡事恒循

階而已意望不備多托疾居尋留會稽築宅自表解職詔以為豫章內史乃出拜中書待御史

虞嘯奏請以大不敬論有詔勿論

伏挺

字士標暉子幼敏悟七歲通孝經論語及長博學有才思任昉見之曰此子日下無雙武帝至

新村挺迎謁帝見之甚悅謂之顏子除南臺書侍御史有通說十卷文集二十卷

唐

伏適

著醫苑十卷

宋

伏光祖

銅梁人淳祐進士

明伏伯安

洪武末知永壽守已無污撫民有道尋以課最陞工部侍郎

伏翼

朝城人正德中淳化知縣



伏思輔

鹽亭人正德舉人

繆蘭陵商音音穆秦繆公之後

漢

繆彤獨行

晉

繆澄為秘書監

唐

繆襲著列女傳二卷

宋

繆若虛温州人

繆渥越州人

鞠汝南宮音

周鞠武燕太子丹太傅也出見田光光薦荆軻

漢鞠譚尚書令

鞠願見印數

宋鞠詠天聖中為監察條上應變五事除天章閣待制

鞠先登科

鞠仲儀長興令

鞠常字可久高密人少好學擢進士為著作郎與楊徽之李若拙趙蟠幾有名於時所著禮經二十卷

鞠仲謀

常子景德二十四賢中人端拱二年知連江大興東湖水利邑民至今德之

鞠礪

屯田員外郎

鞠杲

吳川人舉進士元符中入汴京上書排章惇等罪辭極抗直惇怒以杲隸黨籍

鞠真卿

字顏叔熙寧中知蘇州政事無他設施而人自憚之庭訟寂然治平中貶南安軍道過蘇

相戒不敢過其泊舟處其見憚如此

鞠嗣復

不知何許人宣和初知休寧方臘黨破縣欲逼降嗣復罵曰爾當去逆效順何為脅我使

降嗣復知必死不少懾賊曰我縣人也明府宰邑有善政我不忍委之而去

鞠傳式

雍熙二年以太子左贊善大夫知江陰事

明鞠錫塾江人洪武舉人

鞠祥和州人永樂進士

鞠恭和州人宣德舉人

鞠實塾江人弘治中南豐知縣

鞠鉞文登人邑庠生年十八聘于氏正德中流賊破城鉞與于俱被虜至城南寺逼鉞以從要使其

割髮鉞厲聲罵曰頭可斷髮不可割遂殺鉞氏義不辱觸石而死副使馮世雍令有司禮祭碣

其墓曰雙節

嘉靖間安吉知州鞠躬遷安人

鞠

宋鞠詠

開封人父勵廣南轉運使詠舉進士累官監察御史錢惟演圖入相詠言其險惟演聞乃亟

去大安殿生芝草命羣臣就觀詠言願以援進忠良退斥邪佞為國寶以訓練兵農豐積倉廩

為天瑞草木之怪何足尚哉累官天章閣待制

明鞠以正

嘉靖中邳州知州楚雄人

麴

吳西宮音漢麴慄生閔避難居西平十一代孫嘉仕沮渠氏

漢麴濱西平人

麴聖卿

三 魏演 曹操卒自稱  
為護羌校尉

晉 魏允 金城人豪族也西州語曰魏與監牢筆下數  
頭南開未門北望青樓建興初拜左僕射

南 魏珍 酒泉人善騎射以帳內  
從齊神武封安康郡王

唐 魏崇祐 將軍

宋 魏承之 娶呂誨長女與  
吳安詩為友婿

魏紹 滎陽人善占候景欲試之使與郭生俱卜二伏  
牛何者先起卜得火兆郭生曰赤牛先起紹曰

青牛先起景問其故郭生曰火色赤故知赤牛  
先起紹曰火將然煙先起煙上色青故知青牛

起既而  
如紹言

麴拱

開寶登科

明麴信

貴州人正統中長沙府通判

麴鉞

遷安人正統中貢士任河曲縣學訓導

麴

西平徵音今歷陽有此姓

晉麴崇裕

著郊祀集十卷

唐

麴信陵

吳人貞元中為望江令有惠政亢旱祈雨即應百姓為之立祠白居易為作秦中吟

宋

麴靖

眉州人紹興進士

竺

東海徵音本天竺湖人後漢歸中國而稱竺氏

漢  
竺晏  
臨淄人  
凝陽侯

竺曾  
光武時為  
酒泉都尉

晉  
竺恢  
西平太守時劉曜逼京師內  
外斷絕嵩與恢同赴江難

竺謙之  
輔國  
將軍

竺詮

竺瑤  
桓溫將破  
瑾於武邱

竺朗之  
高平  
相

南  
竺景秀  
中書  
舍人



竺超民 宋司馬

竺靈秀 兗州刺史

宋竺大年 字耕道 奉化人性行嚴重理學淹貫家法整肅鄉人歸敬受業沈端憲公煥所著有禮記

訂義等書

竺貺 進士

明竺源 江陵人 洪武中光州訓導

竺均禮 嵯縣人 永樂中以老人任東光知縣

竺常 浙江人 永樂中舉人

竺宴 鄞縣人

竺永讓 寧化人 宣德中任福寧縣丞

竺淵 字弘道 奉化人 宣德癸丑進士 第授刑部主事 正統三年陞員外郎 八年陞福建叅議 奉敕守

銀坑盜賊竊發 淵往府諭之 盜方獨獩 遂死 馬上一憫其忠 官其子 盛為安康縣簿

竺潮 潛江人 正德舉人 任推官

隆慶庚午舉人 竺鳳臨 安人

竹 遭西徵音孤 竹君之後 以竹為氏 又望出東平

漢 竹魯 下邳相 東莞人

唐竹承構

開元末為宣州刺史務戢奸宄黜貪贖境內以清與班景倩同風時有班竹之號

竹承基

洪州刺史

宋

竹滋

開州人進士出身

元

竹貞

大同守將

明

竹祥

昌黎人洪武中任太僕寺少卿

竹堅貞

汝陽人貢士弘治中邳州判官

服西平商音周內史叔服之後以王父字為氏

漢

服徵

江夏太守

服虔

字子慎，滎陽人。有雅才，善著文。作春秋左氏傳解行世。又著賦、碑、誄、書、記、連珠九憤，凡十餘篇。

靈帝時累

九江太守

服閭

不知何所人。常止莒，往來海邊諸祠。中有三仙於祠中博賭瓜，願令擔黃白瓜數十頭，令瞑日

及覺乃在方丈山。在蓬萊山南，後往來莒取方丈山上珍寶珠玉賣之。久之，一旦髡頭著赭衣，貌更老人。問之，言坐取廟中物云。後數年，貌更壯好鬢髮如往。日時矣。讚曰：閭游祠三仙，是使假寐，須臾忽起千里，納寶毀形，未足多耻。攀龍附鳳，道遙終始。

明服衷

沅江人。洪武中任海門縣丞。

服用休

山西襄垣人。正統中河南扶溝知縣。

睦西胡姓

北睦夸

崔浩少為莫逆交言不及世利浩每欲屈之

宋睦游

夔州判官有治聲嘗陳進取之策于宣撫王炎甫謂經略中原必自長安始取長安必自隴右

始當積粟練兵以俟釁

睦緯

大名人登科

睦臣

撫州軍事判官

元睦大用

汾州同知廉公有威吏民畏服去任州人思之

明睦堅

平南人宣德舉人任教諭

睦仲德 蕪湖人正德中清豐縣丞

宿 東平微音伏羲風姓之後以國為氏又望出河南

漢宿仲談 汝南太守

宿詳 雁門太守

三國宿舒 公孫行校尉使吳稱藩

南宿石 朔方人祖若根魏明元賜姓宿氏石尚主拜駙馬都尉遷吏部尚書

宋宿千之 慶厯登科

宿翰 兵馬都監至道中知泉州

明宿進

字孺忠黃陂縣人正德甲子鄉試戊辰進士授刑部主事員外郎上封事詆觸中貴杖之朝堂

落籍歸歸二年而卒進博學好古侃侃有志既家居即構太極亭讀書於其中

叔魯國魯桓公子叔弓之後

周叔向

晉平公使向聘於吳吳人拭舟以逆之左五百人右五百人有繡衣而豹裘者有錦衣而狐裘

者向歸以告平公公曰吳其亡乎奚以敬舟奚以敬民向對曰君為馳底之臺上可以發千兵下可以陳鍾鼓諸侯聞君者亦曰奚以敬臺奚以敬民所敬各異也如是平公乃罷臺

叔興

周內史

叔弓

魯大夫聘於晉晉侯使郊勞辭曰寡君使弓來繼舊好固曰女無敢為賓敢辱郊使請辭叔向

曰子叔子知  
禮哉昭二年

叔詹

鄭人管仲曰鄭有叔詹堵叔師叔三良為政

叔齊

姓墨胎氏名致字公遠孤竹君二子其父將死遺命立叔齊叔齊讓伯夷伯夷曰父命也遂逃

去齊亦不立而逃之聞西伯善養老往歸焉及武王伐紂夷齊叩馬而諫左右欲兵之太公曰義士也扶而去之殷亡恥食周粟俱隱首陽山遂餓而死

叔仲會

孔門弟子進學廣業後世追封博平侯

漢叔壽

光武時為破虜大將軍

唐叔極

趙人為萬年令



夙魯國徵音古沙夙之後又魯大夫季孫夙之後出姓苑

宋夙子興 崇安人紹定進士

夙師清 建安人開寶進士

夙武伯 建安人寶祐進士

明夙道暹 字志彰松溪人素以好義鄉人所推服景泰初強賊攻縣治暹奉檄親詣賊巢撫諭生擒

賊首二十餘名招撫民人一千餘家天順末流賊聚劫縣境暹復奉檄招募民快自輸糧餉竭

力隄備後復親犯夫石斬獲賊首張記得等境內以安鎮巡等官上其功授知縣督捕盜事

夙瓊 松溪人天順間貢士任訓導

祿扶風徵音殷紂子武庚字祿父之後以王父字為氏

漢祿東贊涇陽人

明祿存武涉人永樂舉人

福

唐福信百濟將

宋福增知江州軍事

元福壽江南行臺御史大夫本朝兵圍集慶壽數督兵出戰城破百司皆奔潰或勸之去曰吾為國家重臣城存則生城破則死尚安往哉遂遇害治書侍御史賀方達魯噶齊達年連實亦死之

明福生

徐聞人正統中任  
雩都縣學訓導

福時

永平人嘉靖  
中任都督

復

周復塗禎

衛靈公近癰疽彌子瑕二人者專君之勢以  
蔽左右塗禎以夢諷君君曰善於是因廢癰

疽彌子瑕而

立司空狗

明

復揚清

扶風典史籍其民為上中下三等憑以差役  
莫不從令貧無牛耕者即為假貸人甚德之

秩滿去民詣闕乞

留乃陞祿復任之

穀

姓

羸姓穀伯綏之後以國為氏望出襄城又云廣陵著

漢穀忠魯相

復望出東海

漢復仲翁宣帝微時受詩於東海仲翁

腹

周腹擊趙武靈王臣

鹿徵音趙大夫食菜五鹿因氏焉

周鹿毛壽勸燕王噲讓國於子之

漢鹿旗巴郡太守

鹿豪

見印

三國鹿盤

鹿磐

俱魏文將討南都尉麴英之叛

南鹿念字永吉濟陰來氏人好兵書陰陽釋氏之學仕魏為黃門侍郎孝莊嘉其清逸尚書左僕射

五代鹿晏弘代州牙將

鹿虔辰

孟蜀學士進士

宋鹿稹

登進士第

鹿哨

知建州

鹿志

隴西人比部員外郎知度州

元鹿規

卓州人

明鹿燕

秦安人洪武中任東光教諭

鹿秀

鄭州人永樂中邯鄲知縣

鹿麟

臨照人天順中河南祥符訓導

鹿達

臨清人天順中儀真主簿

鹿顯

太康人弘治中長興縣知縣

鹿思

福山人正德中陝西渭南縣丞

鹿堂

穎川人嘉靖中  
上元縣縣丞

鹿中魁

字子元穎川人嘉靖中貢士任訓導  
弟中粹字子文嘉靖中貢士任訓導

隆慶庚午舉人

鹿文徵定興人

肅周卿士成公肅之後以諡為氏

漢

肅詳為雁門太守時初與郡  
守為銅虎符竹使符

南肅正德吳郡太守  
北肅正德封西豐侯

宋

肅仲恭金使

肅諱寶歷間判  
吉州軍

明 肅 灝 歸善人 永樂 舉人 教諭

瀟 見姓苑

漢 瀟 河 雁門 大守

漢 魯國商音衛大夫 食采於濮 因氏 今新安有此姓 又望作濮陽

宋 濮 坦 歸安人 隆興登科 知龍溪縣 廉明 有吏才 政事井井 可觀 民多德之

濮 俊 民 字敏吉 開封人 饒州府教授

元 濮 鑑 字明之 桐鄉人 大德丁未 大水 滄禾 鄉民甚饑 鑑捐米千餘石 以食饑者 所活甚衆 有司上其事 給授富陽稅務官 階將仕郎 淮安路屯田打捕同提舉 鑑居鄉行義 具載學士趙子昂所撰



墓誌父振仕宋承節  
郎兩浙兵馬副都監

明 濮真鳳陽人累功都督僉事死節追封  
樂浪公子興生數月封西涼侯

濮溫其邵武人洪武中  
任都督僉事

濮玉代州人洪  
武舉人

濮頤山陰人舉人永樂  
中任永年知縣

濮晉字用昭武進人成化  
壬辰進士懸知府

濮智字明用武進人由舉人成化間任  
政和教諭學博行方士林欽服

濮珍蕪湖人成化  
中任訓導

濮韶

字和仲當塗人弘治丙辰進士幼承家學日誦四書葩經數千言未冠時即以文名居家孝友

恂恂如也弘治己酉中順天解元丙辰進士改

吉士授編修未幾卒天奪之速未究厥施識者

憾之

速

見姓苑

宋

速希覺

知連州

明

速斌

正統中饒州衛千戶

攢

周

攢牧

齊人年七十無妻見雉朝飛雌雄相隨撫琴而歌故鼓琴有雉朝飛操

慮亦作宓與伏同

周 慮不齊

字子賤魯人嘗宰單父所父事者三人兄事者五人友十一人鳴琴不下堂而邑治孔子

稱之曰君子哉若人魯無君子者斯焉取斯後世追封單父侯

縮

周 縮高

魏攻管而不下安陵人縮高其子為管守信陵君使人謂安陵君曰君其道高吾將仕之以五

大夫高聞之曰信陵君為人悍而自用也此辭反必為國禍吾已全已無違為人臣之義也豈可使吾君有魏患也乃止使者之舍刎頸而死信陵君聞高死服縗素避舍使使謝安陵君曰無忌小人也困於思慮失言於君敢再拜釋罪

斛

宋 斛繼善 紹興間判汀州事

角 亦作角里氏 漢有角里先生以其所居在角里

漢 角若漢 角里先生之後

僕 周禮僕人之後 望出河南又河南官氏志僕蘭氏改為僕氏

漢 僕朋 封渾渠侯

宋 僕斗南 淳祐中泉州知州

明 僕淮 桂林人 正德中任善化縣訓導

大

萬姓統譜

三

璞

明璞俊

城固人宣德中舉人任知縣

畜

秦非子畜牧於汧渭之間文庶以為氏天水有畜氏

漢

畜客

畜意

畜梁

俱見印數

鬻祝融之後

周鬻融

年九十謁文王王曰嘻老矣答曰使臣策國事則臣尚少因立為師

嚮拳 楚大夫諫而  
自納於刑

畜 音旭即畜氏

漢 鄒熙 東海太守

鄒長弘

鄒成 俱見  
印藪

瀆

漢 瀆弘之

鄴 魏邑名

漢 鄴鳳梁  
令

蓼 阜陶之後封於蓼以國為氏

唐 蓼崇業 太原人右羽林  
將軍晉陽公

獨 見姓苑

明 獨立 華州人永樂舉  
人任平陽訓導

獨善 華州人宣德  
中任行人

獨賢 赤水衛人正德丁卯舉  
人任四川安岳州知州

目 目夷之後以王父字為氏

周日夷

字子魚宋襄公庶兄初桓公有疾襄公為太子固請曰日夷長且仁君其立之公命子魚子魚辭曰能以國讓仁孰大馬臣不及也且又不順遂走而退桓公薨襄公即位使子魚為司馬

築

明築應祥

廣東人永樂中貴溪縣丞

六

偃姓臯陶之後以國為氏

禿

祝融後八姓禿居其一賈逵云禿彭姓別族也

款

望出晉陵

璠

見姓苑



讀見姓苑

儵見姓苑

凍見姓苑

族見姓苑

蝮唐乾封年武后殺武惟良改為蝮氏

北見姓苑

育見姓苑

屋見姓苑

聿  
音復見直音

鄭  
於六切出姓苑

鉞  
音族


銓  
音族出彭城俱見直音

甦  
音蜀漢梁四公子名甦鮪之後

儼  
音族邑名見直音

鄭  
音郁見姓苑

隳  
音陸出吳郡河南二望見直音



萬姓統譜卷一百十二

欽定四庫全書

子部

萬姓統譜卷一百十三至  
八

詳校官中書臣徐志普

主事臣祁韻士覆勘

總校官知縣臣楊懋珩

校對官中書臣嵇承志

謄錄監生臣陳暨燧

欽定四庫全書

萬姓統譜卷一百十三

明 凌迪知 撰

入聲

二沃

續 雁門羽音晉大夫孤鞠居食采于續故謂之續 姓  
此云丹七友有續氏

上 續牙 舜七友

周 續鞠居 殺陽處父

漢 續相如 承文侯

續常

續志

見印

晉續咸

字孝宗上黨人性孝謹敦重履道貞素好學師事京兆杜預專春秋鄭氏易教授常數十人博覽羣言高才善文論又修陳杜律明達刑書永嘉中仕為東安太守有治蹟所著有遠遊志異物志汲冢古文釋各十卷

續武

撰異物志

南續豐

荊州人母老家貧無以充養遂不食肉詔給豐月米二斛錢一千并製豐噉肉

宋

續真若

汝州人

續門賢

兗州人建  
炎登科

明

續旻

翼城人永  
樂進士

續新

泌陽人永  
樂舉人

續鏞

絳州人永  
樂舉人

續俊

翼城人正德中  
任陽谷縣丞

湖州烏程縣有續氏

東

南陽羽音疎廣之後避王莽亂去足改為東

晉  
束皙

字廣微元城人察孝廉舉茂才皆不就  
太康中早為邑人請雨三日雨注歷尚書郎後歷教授

年四十卒市里為之廢業門生故人為立碑哲  
學博通所著五經通論發蒙記補亡詩文集數

十篇

宋

東元

嘉

合肥人調通城簿毀淫祠正風俗攝縣令以  
政最聞後知秦州值歲饑賑濟有法全活者

甚眾歷官樞密都承旨引老歸年  
九十猶課諸孫讀書至夜分不倦

東莊

知萬州州舊多火災莊乃藉羨緡市材具  
屋通衢而瓦之築水防表火道其害始息

東向

揚州人

東長孺

博平人

東賚卿

鄆州人



元 東崇芳

丹陽人德祐時北兵俘其父國寶崇芳詣軍門號泣曰老父無所用兒壯健且讀書識字

足任驅使請代父去于是釋國寶留崇芳俾從軍掌文檄久之憫其孝思伯顏予二矢曰今縱

爾歸執此可無阻於是父子皆得免

明 東贄

洪武初為安東知縣開置公署分設街巷遷鄉民以實縣治恤孤勸農俱有條緒

東清

丹徒人洪武初知萬載縣性廉介儉以自奉民或逋租自鬻衣帶以代償其愛民如此

東文安

蕪湖人永樂中由人材授知縣

東春

岐山人宣德舉人任御史

東璽

蕪湖人成化中任雲和縣主簿

東鵷

蕪湖人弘治中魯山知縣

萬厯間直隸長垣縣

主簿東崇極舒城人

沃

太原羽音子姓殷王沃丁之後今吳興有此姓

漢

沃焦

吳人神仙傳

宋

沃邦彥

沃松

沃諤

沃若水

沃邦翰

沃子政

俱新城人紹興丁未進士

明

沃墅

蕭山人洪武初溫縣知縣時民艱於食墅令開闢荒蕪樹藝桑棗百姓歌曰田野闢沃公力衣

食足沃公有比代去民遮道留之

沃俊

溧水人洪武舉人任評事

沃潤

江華人宣德舉人

沃乾

紹興人景泰進士

沃類

定海人成化間由進士以監察御史左遷知內鄉興利除弊禁姦保良百凡公署學校皆其所

建積穀十餘萬石以備賑政績赫然  
擢荊州府知府祛弊懲貪聲名大振

沃漸

廣德人正德舉人任鄒縣知縣

沃寬

蕭山人正德中任分宜縣訓導

沃振業

新城人嘉靖中任鄧州學正

萬厯間山西叅將  
沃允謙山東人

曲 晉穆侯封少子於曲沃因氏馬望出雁門陝郡

周 曲宮

秦御史

漢 曲謙

代郡太守

曲仲尼

太常卿

唐曲環

李希烈反環以行營節度使守寧陵戰于陳州克之改陳許節度二使州民苦剽鹵客他縣環

勤身節用寬賦斂簡條教不三歲歸者襁係訓農治兵殺食豐衍

宋

曲珍

字君玉隴干人世以才武稱珍忠朴好義善騎射從劉溫潤討羌有功累遷懷州防禦使後為

環慶路副總管破夏人於涇原進忠州防禦使

曲端

字正甫鎮戎人父渙任左班殿直戰死端警敏知書善屬文有將畧歷秦鳳路隊將夏人入寇力戰敗之建炎初金羅索攻陝西端遣副將吳玠與戰大破之歷官涇原路經畧按撫使

曲全昌

和州人登科

元至正間為龍溪尉攝縣事不越月決滯訟六十餘事紅巾寇壓境惠首倡勇敢拒戰行保甲編

伍之法發常平賑

民由是一邑得全

明曲廉 蓬萊人正統間任莆田知縣初縣東西濱漳水蕩沒膏腴逋亡日衆廉蒞政勞來多方先決其

流以順水之性次築堤障之瀦澤既涸躬率墾闢植以桑棗又候豐稔勸贏餘出糶本斂散以

時卒有萬石之積立社學定三等科差使貧者無靠損崇修孔子廟及祀典壇宇城郭巷道皆

使端正流逋四歸獄九年無重囚

及滿邑民詣闕借留立石頌之

曲銳 字朝儀萊陽人成化中登進士授大理評事歷任河南副使陞陝西按察使至巡撫寧夏右副

都御史

曲環

山西人正  
德進士

嘉靖間杭州府同知曲入繩湖廣人  
由鄉舉以軍功陞浙江海防僉事

萬曆丁丑進士  
曲遷喬長山人

逯

音祿廣平徵音秦大夫封于逯因氏

漢逯石

大司馬

逯並

大司馬

逯普

王莽時為  
左隊大夫

逯明

廣平人  
將軍

晉 逯苞

殿中  
中郎

唐 逯仁傑

夏官  
中郎

宋 逯昂

逯湛

景祐  
登科

逯勉

大名  
人天祐  
登科

逯端

瑞州  
司法

明 逯宏

字希遠元浙江左丞魯曾之四世孫內附後卜居錢塘遂為錢塘人宏洪武初以故官子弟選為杭儒學生員從徐大章授書經年十八陳時政得失高皇帝悅之試秋柳賦稱旨授之官吏



部奏宏年少賜歸卒業尋以鄉貢分教松江陞武進教諭卒

逯得山

汝陽人少負大志國初從征以功陞鎮撫癸卯上征偽漢得山從戰于鄱陽湖以死上舉

報功典封汝陽縣子祀于康郎山

逯端

宏子仁和人永樂進士

逯聰

崇安人舉人弘治中清豐教諭

逯讓

武定人弘治中高陽縣學訓導

逯濬

章邱人正德中荊門州知州

逯用洪

清豐人正德中任延安府同知

逯鼎

章邱人舉人正德中通州學正

逯墳

章邱人舉人正德中魏縣知縣

逯相

廣宗人邑庠生嘉靖辛卯母楊氏以疾終相哀痛悲號既掩壙結廬墓三年躬荷挿器負土累墳時大水不浸廬遠近聞之咸以為異

隆慶庚午舉人  
逯學禮嘉祥人

玉

彭城徵音黃帝時公玉帶造明堂改為王氏音肅與寶玉字不同

漢

玉光甫

字文伯司徒

玉況

性聰敏建武中陳留太守務行德教一歲蝗大起過郡界不集五穀獨豐遷大司徒

宋

玉珏

金堂人隆興進士

玉天麟

金堂人淳熙進士

明

玉恩

彰縣人弘治中眉州判官

嘉靖中太醫院吏目

玉璽 邯鄲人

燭

鄭大夫燭之武後不得氏以其居於燭地故以為氏

周

燭之武

鄭人晉侯秦伯圍鄭鄭伯使之見秦伯而說之秦伯說與鄭人盟使人戍之而還

燭庸

晉大夫皆王僚弟伐楚闔閭殺僚窮之奔楚

粟

江陵徵音漢有治粟都尉因以為氏

漢

栗舉

魏郡太守

宋

栗彭年

定州人登科

栗大用

武宣人年九歲大中祥符間以通五經應童子科入見真宗奇之特補登左郎後至南雄

太守

明

栗恕

長子人洪武中以國子生任戶部尚書

栗林

貴縣人永樂舉人任工部員外

栗宗裕

興業人永樂舉人

栗秋

橫州人永樂乙酉舉人工部員外郎

栗萬鍾

井研人 正統中  
任安福縣丞

栗文舉

威縣人 景泰舉人

栗茂

梧州人 成化中  
任廣東副提舉

栗旻

寧州人 成化  
舉人任訓導

栗登

字有年 巴縣  
人弘治進士

栗珍

廣西融縣人 正德  
中高明縣學訓導

栗廷用

松滋人 正德庚  
午陸涼州知州

萬歷間 江西瑞昌縣  
丞 栗濟民會同人

督 子姓宋大夫華父督之後望出巴郡

周 督戎 晉樂盈之臣

漢 督瓊 五原太守

督瓚 見風俗通

隋 督君謨 善射

明 督仲美 全州人嘉靖中歸善縣縣丞

篤 見姓苑

元 篤列圖 字彥城永豐人舉進士第一授南臺御史

明 篤自誠 建水人 永樂中任 直隸順義縣縣丞

欲 見姓苑

元 欲廣城 寨社人 殺之後裔也 成宗時以文臣授元帥 府左輔監軍領兵鎮守亳州 子溫進校尉 獲

尹 鹿縣

浴

明 浴沂 略陽人 永樂 舉人任通判

淶 水名

古 上 淶圖 師 額 頊

觸

周

觸龍

趙左師

足

見姓苑

辱

見姓苑

辱

叔欲切見姓苑

毒

見纂要八姓

鵠

望出東海

葶

風俗通云葶枚之後



獲 風俗通宋大夫猛獲之後

萬 音萬國名見直音

旭 見姓北

鎔 子木切望出彭城

萬姓統譜卷一百十三

欽定四庫全書

萬姓統譜卷一百十四 明 凌迪知 撰

入聲

三覺

樂

南陽角音宋微子之後戴公生公子衎字樂父子孫以王父字為氏

周

樂羊

為魏伐中山魏文侯封之靈壽子孫因家焉樂毅其後也

樂毅

靈壽人羊之後自魏適燕昭王以為亞卿伐齊下七十餘城封昌國君後奔趙封望諸君

樂邴犁

字子梁戴公之子宋定使為司城魯昭公時逐於季孫意如猶未復也晉使士鞅及諸侯

會于扈祁犁固請納魯公士鞅取貨于季孫而弗納遂惡祁犁後使祁犁報晉晉人執之趙鞅將歸祁犁士鞅不許三年而後歸卒于太行

樂大

心趙鞅令諸侯大夫輸粟于周宋大心曰我於周為客若之何使客鞅曰同恤王室子焉得

辟卒受牒而退

樂霄

魏獻子為政分羊舌氏之田為三縣樂霄為銅鞮大夫

樂喜

宋正卿即司城子罕也宋人或得玉以獻子罕子罕弗受曰我以不貪為寶爾以玉為寶襄十

五宋平公築臺子罕請俟農功之畢築者謳曰邑中之黔實慰我心

樂欬

字子聲孔門弟子贈昌平侯

樂叔

毅之孫漢高求毅後得叔封之樂鄉曰華城君

樂閒

昌國君王召問趙可伐曰趙四戰之國其民習戰不可伐

樂乘

悼襄立使樂乘代廉頗頗不敗攻乘遂奔大梁

樂巨公

田叔學黃老術於樂巨公

漢樂天

樂未央

俱見印藪

樂俊

建武中浚儀令時武陽令張汜上言河決積久宜改修隄防俊復上言元光間人庶繁盛而輒

子河決尚二十年不即壅塞今新被兵革宜須平靜更議其事乃止

樂恢

字伯奇長陵人好學精誦性廉直竇憲北征數上書諫和帝時為尚書僕射後稱疾歸憲風州

郡迫脅飲藥死弟子

衰經輓者數百人

樂進

字文謙魏國人容貌短小有膽畧從曹操征伐皆先登有功封廣昌亭侯累遷右將軍卒謚曰

威子緜果毅有父風官至揚州

刺史為諸葛誕襲殺謚曰愍侯

晉  
樂廣

字彥輔涑陽人善談論每以約言析理以厭人之心王戎為荊州刺史舉為秀才衛瓘見而奇

之曰此人之水鏡也累遷

侍中河南尹後至尚書令

樂道

字融丹陽人少有大志好學務周人急有國士之風嘗為王敦叅軍敦以討劉隗為名遣道融

道融忿敦之逆說卓襲敦卓大然之既而

卓納敦將旋軍道融晝夜泣陳憂憤而死

樂謨

字洪範廣子元帝時召南陽樂謨為郡中正謨辭父命不赴卞壺責以徇私廢公卒應召

樂詳

字文載少好學獻帝時詳聞公車司馬令南郡謝該善左氏傳乃從南陽步詣說問疑難諸要

今左氏樂氏問七十二事詳所撰也所問既了而歸鄉里時杜畿為太守亦甚好學署詳文學祭酒使教後進於是河東學業大興至文帝黃初中徵拜博士詔與太史典定律歷轉拜騎都尉

南  
北  
樂子雲

父法藏有才名位征西叅軍早亡子雲美容貌善舉止武帝遷位江陵令承制除光祿卿

魏克江陵衆奔散呼子雲子雲曰終為虜矣不如守以死節遂仆地卒於馬蹄之下

樂遜

字遵賢猗氏人明詩書禮易春秋大義後周時除秋官府上士轉少師士下大夫明帝時霖雨

遜陳時宜十四條拜太子諫議出為東揚州刺史賜安車衣服儒者榮之

樂預

字文介明帝時為永世令人懷其德卒官時有一媪年可六七十擔榭菽菜造市貨之聞預亡

大泣棄溪中曰失樂令我輩孤獨老姥正應就死耳市人亦皆泣其惠化如此

樂藹

字蔚遠廣六世孫方頤龍準舉動蘊藉任南齊為驃騎將軍參荊州事天監中累遷御史中丞

終廣州刺史

樂頤之

字文德涇陽人任劉宋為京府參軍性至孝父在郢亡即號泣徒步而往扶歸葬之嘗得

病忍而不言嚙被至碎恐母聞之哀已也吏部郎庾杲之往候之為設食惟菜菹而已杲之不能食母出其膳杲之曰卿過於茅季偉顧我非郭林宗



樂法才

萬子濟陽人字元輔幼有美名沈約曰法才實才子為建康令不受俸秩去將百金縣曹

啓輸臺庫梁武嘉其清節曰可以為百城表矣

隋

樂運

字承業清陽人少好學涉獵經史開皇初為廣州涇陽令轉毛州高唐令歷二縣竝有聲績運

常願處一諫官從容諷議而性訐直為人所排抵遂不被任用終露門學士

唐

樂彥章

為南臺侍郎同平章事子思晦為鸞臺侍郎同平章事

樂臺

注鬼谷子三卷

樂產

撰黃佐祕書五卷

樂仁規

定海人光化間任兵部尚書贈金紫光祿大夫弟仁原刑部尚書贈銀青光祿大夫

樂彥禎

魏州人父少寂歷瀆博貝三州刺史贈工部尚書彥禎少為本州軍校韓簡之領節旄也

以彥禎為馬步軍都虞候轉博州刺史下河陽走諸葛真有功歷檢校工部尚書同平章事

樂彥璋

雍州長安人顯慶中為給事中時故侍中劉洎之子詣闕上言洎貞觀末為褚遂良所譖

枉死稱寃請雪中書侍郎李義府又左右之高宗以問近臣衆希義府之旨皆言其枉彥璋獨進曰劉洎大臣舉措須合軌度人主暫有不豫豈得即擬負國先朝所責未是不愜且國君無過舉若雪洎之罪豈可謂先帝用刑不當乎其事遂寢彥璋尋丁憂起為唐州刺史及入辭高宗記其言直復拜東臺舍人累遷西臺侍郎同東西臺三品

宋

樂史

字子正宜黃人母夢異人授五色珠而生史力學有文南唐進士第一入宋復登甲科歷兩浙

巡撫使釋通負賑饑民轉都官員外郎出知商州後判西京劉臺所著有太平寰宇記等書

樂韶

字成之零陵人穎悟絕人讀書五行俱下十歲能屬文弱冠登進士授桃源尉

樂黃目

字公禮史子淳化初進士累官右諫議大夫知荆南府後知亳州卒黃目性柔簡默為吏

處劇亦無廢事所著有集五卷又撰學海搜奇等書其兄黃裳弟黃庭並進士及第官至太常士博

樂夔

字友龍德慶人任封川令有寇千餘剽掠邑無城可將夔集民兵激以重賞一鼓成擒

樂京

江陵人為布衣時鄉里稱其行義嘉祐中以訪遺逸為湖陽令神宗求言上疏以畏天保民為

請知長葛縣不肯行助役法棄官而歸元祐初召赴闕不至終于家

樂備

字順之崑山人舉進士有學行名能文章尤長於詩與范成大齊名

樂嘉聞

達州人葉草廬於城西家貧聚徒取資以養每授諸生經口誦百篇未嘗有倦意

元樂大原

字君道定海人器度宏偉慷慨多大節居家孝讓事繼母尤謹燕閒無惰容恥言人過失

大德丁未東浙大祲大原發巨艘販泉南廣東之米平價使人就糶遠近畢集活者甚衆有持舊書易米濟饑者輒應之遂蓄至數千卷曰吾子孫必有能讀是者孫良果能讀其祖所藏書屬文數千言立就時朱陸異門良受業程端禮學以朱氏為宗洪武初為定海縣學教諭以學行表師後進有遺稿五十卷

明樂韶鳳

全椒人洪武初從征渡江授起居注轉給事中遷中書省員外郎陞兵部尚書後為翰林

學士久之以病免復起為國子司業未幾陞祭酒弟暉知開封禮太常卿毅諸暨州同知俱知名

樂瓚

洪武中知無為州剛毅忠直吏民畏服初知臨淮已得人心陞知是州德政益著及陞知荊州

起行日父老垂泣攀留

樂禮

韶鳳弟洪武初任太常卿

樂逢時

臨川人永樂進士

樂廡

性度豁達讀書嫻韜畧正統中征麓川陞指揮使蒞政明恕有才愛恤軍士威惠兼至興利除

害合乎矩度羣夷畏服谿峒寧謐修葺城池學校廟宇卒衛人思之立祠尸祝

樂宣

湖廣人成化進士

樂宗茂

字景德仁和人成化壬辰進士歷知府

樂選

字舜舉仁和人正德辛未進士歷郎中

樂護

臨川人精天文數學歷光祿卿掌欽天監時嘉靖甲申五星聚營室庭臣並上表稱賀獨護抗

疏以為非是禮官劾奏之出守大名尋改陝西叅政

樂其雅

字必所臨川人嘉靖丁未進士任行人

嘉靖己未進士樂國賓金華人歷知府萬曆丙子舉人樂繼周新建人樂上應東鄉人

岳

山陽角音未詳所出

宋岳飛

字鵬舉湯陰人少負氣節好左氏春秋孫吳兵法誓以忠義報國初授河南河北諸州招討使

轉少保志圖恢復用兵能以寡敵衆屢破強敵未嘗一敗大業垂成為秦檜所害後追封鄂王謚武穆五子雲雷霖震霆雲左武大夫隨飛征戰數立奇功雷霆俱閣門祇候霖數文閣待制

震茶鹽提舉霖

子珂知嘉興府

岳雲

武穆長子年十二從征數立奇功飛輒隱之能以手握兩鐵椎重八十斤潁昌大戰數十入敵

陣中甲裳為赤以功授左武大夫弟雷授文資死年二十三孝宗初贈安遠軍承宣使

岳霖

武穆次子孝宗朝帥廣州道出章貢父老率子弟來迎垂泣曰不圖今日復見公子也

岳震

父飛討李成駐兵黃梅詔進屯洪州以士卒經擾攘之後他人莫可懷輯因留震彈壓後被檜

禍變姓名匿大河民間子孫  
遂家焉至今遺有故宗救命

岳霆

飛第五子雲雷與難霖臨陣亡震霆潛住黃梅  
故鄉賢舊祀有曰忠臣岳震然飛死於高宗紹

興十一年至二十五年乙亥上距辛酉十五載  
矣檜宿恨猶存惡岳州與飛同姓改為純州子

孫亦不敢以岳為氏孝宗登極卹錄與恩者祇  
原徙嶺南雲雷支裔而此派不及至追贈忠武

鄂王震霆子孫在梅地者悉宗

鄂姓入今析為十三戶鄂家云

岳諒臣

知滁州聞鄉村有周智張九作黨  
食人捕得之斬市自是闔境晏然

岳珂

彰德人霖子寧宗朝權發遣嘉興軍府兼管內  
勸農事有惠政嘗居郡治西北金陀坊痛其祖

飛為秦檜所陷作額天辨誣天定錄等  
書總名金陀粹編忱郊錄程史等書



岳琚

錢塘霍山人建炎三年十二月完顏宗弼由獨松關犯杭州守臣遁于赭山琚乃推令朱蹕為謀主金祝二尉為先鋒率死士誘敵由西溪並天竺東來塹葛嶺編竹覆泥以陷之敵乃從南壁寇城西琚力戰死焉

郡人請於朝立祠祀之

元岳柱

字正所自幼容止端莊穎悟有遠識初授集賢學士至順二年除江西等處行中書省平章政事柱天資孝友尤嗜經史自天文醫藥之書無不究極每以古人自期

岳浚

字仲遠宜興人飛九世孫博學好義為石門縣尉未幾乞歸侍親積書萬卷延好學之士恣其檢閱一時名士多游其門

岳天禎

冠氏人大德十年為建康路總管值歲饑官廩中無儲粟乃諭富戶出鈔二萬錠賑濟饑

民賴以全活者甚衆時米價騰湧牙僧旁緣為  
姦天禰杖其尤桀黠者召商旅飲之酒以義諭  
之估値乃平郡中立碑紀  
遺愛至大二年卒于官

岳存

字彥誠冠氏人中統間建康路總管  
首定救荒之政民立碑以記遺愛

明岳敏

字敏學臨桂人洪武庚午舉于鄉授河南道監  
察御史陞河南按察司副使永樂元年陞四川

按察使居官廉介  
卒之日家無餘物

岳奎

臨湘人洪武間以孝廉  
舉入太學授監察御史

岳仲明

本固始人宋鄂王七世孫洪武初徙家于汴  
仲明少立清節隱居不仕嘗廬墓六年有司

以孝廉舉朝廷三召  
不起賜號純孝先生

岳岫

密縣人少嗜學博通經史容貌魁偉氣岸卓  
越洪武中以人材累官至雲南右布政使

岳濬

字文玉祥符人宣德進士歷任湖州府  
知府博學善辭令襟懷宏廓民樂其寬

岳福

晉州人由國子生入仕練達政  
務官至浙江布政司左叅議

岳正

字季方潞縣人正統戊辰會試第一殿試第二  
授編修召入內閣忤石亨降欽州同知戍肅州

成化元年召復修撰出為興化知府請告卒嘉  
靖中贈太常卿謚文肅季方性高而志剛抱負  
經濟不輕屈下人人有不可意雖權貴人當言  
即言無藏宿有古豪傑之風以故奇正者多忌  
正者亦衆再起再廢  
竟不盡其用惜哉

岳岱

字東伯號漳餘武穆王裔孫隱居吳門工詩所  
作詩畫嘗有杏臉因桃識蛾眉借柳看之句

岳倫

字原夫無為州人嘉靖丙戌進士歷郎中

岳鰲

興安人舉人嘉靖中任衛州府同知

嘉靖己未進士岳相壽光縣人  
嘉靖乙丑進士岳凌霜高邑人

卓

西河徵音史記蜀郡卓氏以鐵治致富徙臨邛

漢卓茂

字子康宛人父祖皆至郡守茂寬仁恭愛嘗乘車行有人認其馬解與之性不好爭如此後以

儒術舉遷密令教化大行道不拾遺蝗不入境  
光武即位徵為太傅封褒德侯長子戎太中大  
夫次子崇以中郎給事黃門

卓王孫

蜀人

三國 卓膺 先主將

唐 卓雲 河南人乾寧中及第作未明求衣賦駕在華州詩問善如扣鐘詩

宋 卓立 字志道福清人中特科有西溪文集八十卷

卓鈞 長溪人元豐進士四門助教

卓時敏 瑞安人乾道進士

卓庠 紹興間以長汀丞攝臨淮縣事時縣初建揆方審勢屢井塗徑條理秩然志意所向皆可利民

卓琮 字廷瑞永春人從陳北溪游嗜學堅苦以積累成功凡所講論能倡北溪之音

卓田 字稼翁號西山紹興間文士也工小詞三衢買舟詞云奏賦謁金門行盡雲山無數尚有江天

一半買扁舟東去波神眼底識英雄閣  
住半空雨喚起半帆風力去青天五尺

卓子信

永春人為縣隅總開慶元年春寇薄縣境子  
信率民兵敵行敵之賊為之駭弟以兵非素

練憚死戰而潰子信被擒賊以其驍勇欲降之  
不從遂遇害寶祐六年郡守吳昺聞之表其門

卓得慶

字善夫號樂山登紹定五年甲科教授道州  
歷官祕書著作郎以忤賈似道出知漳州平

會寇次年嘉禾產一莖九穗最上賜詔褒寵召  
還授兵部郎中德祐丙子以大理卿趣行辭以

疾景炎二年便旨除右文殿修撰戶部尚書是  
年元兵逼城得慶與家人訣曰柱傾維絕雖千

百年何益寧前一尺毋却一寸與其藏溝瀆而  
生曷若守家廟而死俄甲士至執得慶并二子

規權殺之年七十二黃仲元銘其墓稱為忠孝  
父子得慶早以詞賦名晚深於易仲子準承直

郎監

福州

元卓琰

三山人至大四年教授郡學識學工文作新  
啓迪寒暑不懈由是生徒奮發賢才輩出

明卓有謙

臨海人洪武進士

卓敬

字惟恭瑞安人洪武二十一年進士為給事中  
遇事敢言或規其太直敬曰吾知盡吾職耳他  
安所計言之益力累陞戶部侍郎庚辰辛巳間  
多密奏不行文皇入京執敬數之憐其才且命  
繫獄遣人諷之任不屈而死文廟嘗歎曰國家  
養士三十年卓敬可謂不負君矣所著有詩文

五十卷遺書十卷

發明周邵之學

卓迪

字民逸奉化松溪人善寫水墨山水嘗師朱自  
方得其心妙而筆法精緻實過焉永樂中召至

京師兼以篆隸入翰林將授官而

辛南京報恩寺湧壁有民逸筆云

卓越

福寧人知永嘉縣自奉甚薄事上不阿裁省里甲冗費十之二三時提舉市舶中貴徵求擾攘

嘗挺身而折之民賴以安

卓朝用

通山人永樂間知寧縣公平廉恕愛恤民財清苦自勵

卓文錫

字純嘏莆田人景泰進士歷刑部主事至貴州按察使

卓居傅

字起巖莆田人正德丁丑進士歷僉事

卓爾

字見可莆田人授貴池知縣歷廣西僉事陝西苑馬寺少卿

偃



漢  
偃佺

槐山採藥父也好食松實形體生毛長數寸兩目更方能飛行逐走馬以松子遺堯堯不暇服

也松者簡松也時人受服者皆至二三百歲焉

濯  
見風俗通

上古  
濯輯  
古賢人

宋  
濯庚  
乾道進士

濯賡  
類省  
亞元

濯融  
嘉祐進士  
俱內江人

嶽  
見姓苑

明 嶽崇

鄭州人成化中  
任上杭縣知縣

嶽仲信

成化中福建  
富谷衛指揮

嶽思忠

榆次人弘治舉人知通渭  
縣寬猛相濟政事熙然

朴 普木切姓纂云巴郡羽音蠻酋七姓之後

漢

朴周

見印  
藪

唐

朴忠

親軍指  
揮使

宋

朴景

泉州人潮  
州通判

明

朴淳

潘陽人永樂中  
任新安衛指揮

朴元亨

鴻臚序班宣德中使朝鮮交趾人

朴素

新安衛左所鎮撫幼孤事母極孝年十六母喪  
墓問政山去家十里素每日至墓泣拜雖雨雪  
無間後得壽九十  
七邦人敬慕之

角

漢角闕

光武時據汧洛後降吳漢

角善叔

後漢人

明角巖

金鄉人宣德中利港巡檢

鄂音惡

漢 鄴君安平侯

濁 漢書貨殖傳有濁氏以胃脯而連騎

朔 望出南陽見何氏姓苑

學 見姓苑

覺 見姓苑

犖 見姓苑

卓 音卓見直音

萬姓統譜卷一百十四

欽定四庫全書

萬姓統譜卷一百十五

明 凌迪知 撰

入聲

四質

畢

河南徵音周文王十五子公高之後以國為氏又望出東平太原

周

畢萬

晉人同趙夙獻公作二軍自將上軍太子申生將下軍趙夙御戎畢萬為右以滅耿霍魏還賜

夙耿賜萬魏以為大夫萬之後傳至裔孫斯遂為諸侯

畢公高

康王命畢公繼君陳釐東郊旌別淑慝克成厥終

三 畢 謀 為東平別駕張邈之叛劫謀母弟妻子操謝遠之謀無去志操為之流涕已乃亡去

畢 軌

東平人與何晏鄧颺齊名

晉 畢 卓

字茂世銅陽人少放達嘗曰得酒滿數百斛左手持酒杯右手持蟹螯拍浮酒船中便了一生

矣與阮孚等為八

達大興末為部郎

南 畢 衆 敬

東平人少好弓馬射獵仕宋為泰山太守北魏兗州刺史薦拔寒素深有國士之風

畢 義 緒

仕北齊為徐州都督府長史

畢 元 賓

東平須昌人少豪俠有武幹初為劉駿正員將軍後以勲重拜兗州刺史為政清平善撫

民物百姓愛樂之丁父憂後任殿中尚書卒謚曰平

畢祖朽

元賓子擢員外郎累加寧遠將軍正始初梁將蕭及先寇兗州乃以祖朽為統軍假寧朔

將軍討之祖朽開誘有方斬獲甚衆以功封南城縣男卒贈吏部尚書

畢聞慰

東平須昌人字子安襲爵例降為伯累廣平內史中山王熙起兵謀誅元又聞慰斬其使

發兵拒之後又以聞慰忠于已遷滄州刺史尋為都督安樂王監軍司馬卒謚恭

唐畢構

字隆擇偃師人六歲能文擢進士居親喪毀棘甚歷潤衛開陝西四州刺史玄宗立授河南尹

進戶部尚書終太子詹事卒謚曰景子炕天寶末為廣平太守拒安祿山城陷死之贈戶部尚

書

畢誠

字存之構從孫早孤夜燃薪讀書遂工文詞性端慤不與人交舉進士歷官翰林學士宣宗召

訪邊事誠援質古今甚悉時號禁中  
頗牧懿宗初拜同中書門下平章事

畢元愷

寧海州刺史子惠  
困窮民頌其德

畢炕

東平人為廣平太守時安祿山叛攻城急炕堅  
守不下久之力不支城陷以節死賊遂覆其家  
時稱二十四郡之忠臣不獨平  
原常山也贈戶部尚書謚曰忠

畢紹顏

太中二年進士知  
顏天祐二年進士

畢耀

乾元二年除監察御  
史能詩與杜甫有故

畢宏

工畫畫松石於左省片  
壁大厯中為給事中

宋畢士安

字舜舉幼時王禹偁識其非常童景德中與  
寇準竝為相準好使氣用公重德以鎮之公



以名節自厲天下稱其清其亡也上謂準曰士安君子人也飭躬慎行有古人風賜其家白金

五千兩

子世長

畢田

長沙人博學有文尤工於詩真宗朝以吏部兼王府侍講一日居經筵值天寒奏蠲臨湘七都

科調里人德之因祀焉

畢再遇

字德卿兗州人姿貌容美雄傑武藝絕人挽弓二石七斗背挽一石八斗以恩補官取泗

州定盱貽完楚州皆以勇智立奇功累官左驍衛上將軍辛贈太師謚忠毅

畢世長

以耆年掛冠與睢陽五老公詩云篇章捧和慙風雅眷待優隆荷歲寒至和中以司農卿

致仕年九十四曾孫仲偃仲衍仲游仲愈

畢仲偃

字希言以清德聞官至朝散大夫

畢仲衍

字夷仲以蔭為陽翟簿縣人馬宏闕里會攝縣事即逮捕驗治得其姦流宏鄧州一縣相

賀第進士歷司農丞吳充引為中書檢正王珪與充不相能故抑不遷經四年乃以祕閣校理同知太常禮院為官制局檢討官制文字千萬計區別分類損益刪補曲盡其當撰中書備對三十卷官制行神宗自擢起居郎未幾卒

畢仲游

字公叔哲宗召天下文學之士十三人策試翰林學士蘇軾以仲游為第一蘇公又表自

代云學貫經史才通世務文章精麗議論有餘

畢仲愈

字將叔工詩元夕詩云已招明月移歌扇更喚春風試舞腰夜行詩云明燈數點林中見

橫苗一聲烟外

聞為國子監丞

畢漸

潛江人紹聖元年狀元為膳部員外郎出知荆南府事以文學致身剛介自立時人以其典鄉

郡榮

畢允升

字元吉臨川人有文名精於周禮嘉定進士兼史職雷變上封事言正君心除私意納諫

責實歷官以廉見稱居家以嚴見重

畢祈鳳

字景昭陳村人年十七亞鄉薦咸淳初省試第五以諒陰免廷對賜進士出身授建康府

都統司幹官入沿江制幕再任六考授知澧州石門縣事荆湖四川宣撫大使朱禔孫稔知其

名奏擢兼宣撫幕知辰州事卒世稱其文學政事

畢祖高

字訓誠，沉重端肅，得師儒體。在大學二十年，咸淳初，以上舍前序釋褐，授常德府學教授。

生徒曾經指授者，皆成材，為名儒。

遷文林郎，建昌軍僉判，致仕卒。

金

畢資倫

縉山人，泰和。中南征，從軍，後改縉山為鎮州。木虎高琪為防禦使，選資倫為千戶。至寧初，

元兵至鎮州，高琪棄城遁，資倫收民兵轉戰，有功。擢都統，軍役屯泗州，城陷，被執，投水而死。宗

人義之

明  
畢瑄

洪武初年，知東莞縣，時鄉邑遭元季兵燹，後田地荒蕪，與縣丞伯勒赫同寅協恭，撫循安輯，流

亡來歸田里，日闢歲復，有秋邑人始有生意，廉能之譽著聞於時。

畢原

洪武初，知建寧縣，敬神愛民，甚得政體。

畢貞

洪武中知衢州府以禮法自持羣吏敬憚公庭肅然

畢輝

東平人洪武中為崇德知縣與縣丞齊搏在官執法不容姦惡上嘉之特遣行人齎敕勞之賜

以尊酒

畢汝舟

武清人洪武中領鄉薦擢御史振揚風紀有聲擢廣東右叅政

畢昌

仁和人永樂中進士累官吏部考功主事陞郎中二十餘年清慎始終一日有雅度人未嘗見

其疾言遽色一時稱為善人君子如出一口陞南京左通政卒

畢亨

字嘉會新城人成化乙未進士授吏部主事歷順天府丞忤權貴謫兩淮運司同知薦陞湖廣

叅政任至南京工部尚書劾瑾罷卒亨器識英邁好學多聞耿介正直之操出于天性平居接

物有禮而嫉惡太甚以是被誣  
遭抑迄老不為屈有古大臣風

畢瑜

字廷珍成化丙戌進士  
歷官提學副使

畢昭

字應舉亨子弘治己未進士  
歷都御史

畢竟容

字叔仁貴溪人嘉靖戊戌進士  
歷布政弟畢夔字叔元同科  
歷官知府

畢烜

字彥晦番禺人嘉靖壬戌進士  
歷參政

嘉靖甲辰進士畢鏞字廷鳴直隸石埭縣人  
歷官南京戶部尚書

漆

南昌徵音本鄆瞞之國因姓漆又為氏  
一云漆室女之後或云漆雕開單為漆氏

漢漆沈

魯相

晉漆季直 永嘉中以中散大夫為洪州刺史

漆欽 任晉為鎮西將軍

南漆凱之 任宋為郎中令  
北為謝混談論

漆靖安 歷任齊梁兩朝

漆澄 頃豫章人釣于蜀水忽得金鎖引之不絕俄  
盈舟既而有物浮水黑色澄了無怖

唐漆季高 任為江西觀察使

宋漆秀茂

漆秀彥 寶祐進士

元 漆希范

字文翁高安人才識豪邁善屬文任本縣文學陞靜江路教授湖廣省聞其賢辟為掾廉

謹修飭省臺器之陞臨江路知事清望益著識與不識皆稱之曰平溪

漆居敬

江陰人洪武進士

漆霽

午昌人永樂進士

漆汝翼

字行南巴陵人嘉靖丙辰進士任推官

隆慶辛未進士漆彬南昌人

改吉士授給事中歷叅議

吉

馮翊徵音周尹吉甫之後以王父字為氏又望出洛陽

漢 吉恪

漢中太守



吉平

曹操欲篡漢太醫令平與丞相司直晃曄謀共誅操不克被誅

晉吉挹

字祖冲世篤忠孝秦苻堅曰周猛威不屈于前丁彦遠梁已于後祖冲閉口而死何晉氏多忠

臣耶

吉朗

愍帝時為御史中丞西朝不守朗嘆曰吾智不能謀勇不能死何忍君臣相隨北面事賊虜乎

乃自殺

吉謀

為祕書郎

南吉士瞻

字梁容蓮勺人少有大志不事產業年踰四十始事梁武帝以功歷巴東相建平太守後

為梁秦二州刺史加都督入為太子右衛率又為西陽武昌太守在郡清約家無私積

吉翰

字休之馮翊人叅宗武帝中軍事清謹勤正為武帝所知賞累遷徐州刺史監豫州梁郡諸軍

事

吉盼

字彥霄馮翊人天監初父為吳興原鄉令為吏所誣當大辟盼年十五搥登聞鼓乞代父命武帝疑其受教于人敕廷尉協誘取實盼對終不屈撓乃宥其父後丹陽尹王志欲舉充純孝盼曰父辱子死斯道固然若當此舉是因父買名也拒之而止

吉景曜

宜都王鑑十歲時與景曜商略先言往行

吉茂

字叔陽為汾陰令居官清靜吏民不忍欺

唐吉攸

九老會中人官衛尉卿年八十八卒

吉頊

河南人舉進士聖歷中遷天官侍郎時張易之  
以寵盛思自全問頊計頊曰天下思唐久矣廬

廬陵以副人望卒如頊教後意乃定  
廬陵外相王幽閉公盡從容請相王

吉甫

柳州刺史誅破姦  
盜窟穴治稱流聞

吉中孚

鄱陽人大歷間與盧綸等皆以能詩  
名號大歷十才子官至戶部侍郎

宋

吉巨昌

灤州人蘊大志捐小節與萬石  
山平元帥古治楊公相友善

吉肅

澤州人

吉觀國

吉康國

通利軍人  
俱登科

明吉昌

北廷人元大夫新濟子也孝行著聞見重于時  
洪武初令曲江尋入為尚寶丞拜監察御史

吉岳

洪武初知房州時新集之民岳勞心撫恤  
凡大小公署多所創建至今猶蒙其澤

吉惟善

開州人少穎悟過人性恬淡進退雍容有儒  
者風邃于性理之學不事舉業永樂中以明

經行修舉辭不就有司嘗敦請署州學事端方  
整肅言動不苟後學宗師之年八十有三卒于  
家

吉惠

丹徒人景  
泰進士

吉人

字惟正長安人成化進士體貌俊碩資性明敏  
有文名授中書舍人弘治初與劉槩湯鼎輩諸

人為文會以濟時為己任大臣忌之因謫去職  
益自艾篤志近思之學弟子多從之游足跡不

入城府者

三十年

吉時

長安人弘治進士

吉澄

字靜甫開州人嘉靖甲辰進士歷巡撫遼東都御史

吉來獻

字子欽興平人嘉靖甲辰進士歷僉事

萬厯甲戌進士吉可

久山西曲沃縣人

郵 音質商時侯國

漢 郵暉

字君章西平人舉孝廉為上東門侯光武嘗出獵夜還暉拒闕不納乃回從東中門入明日暉

上書諫奏入賜布百疋貶東中門侯為尉後授皇太子韓詩侍講殿中遷長沙太守子壽以廉

能稱官至

尚書僕射

鄧壽

字伯孝，惲子。冀州刺史。時冀諸王賓客放縱不檢，壽按察之，無所容。藩國畏懼，冀、土、肅、清

鄧都

河東楊人。景帝時為中郎將，敢直諫。拜濟南太守。公廉有勇氣，後遷中尉，行法不避貴戚。時號

蒼鷹

鄧伯尚

與黃叔度、周子居、文伯堅、封武興、盛孔叔為汝南六孝。廉順帝朝，太守李侏選以應學。

晉

鄧輔

張方部將

唐

鄧昌，涇原節度使。築城于金佛峽口以控吐蕃，列燧相望。其後吐蕃入寇，望風而退。

宋

鄧之邵

潞州人，登科。

元 邳朗 武安尹 練達吏事 剛方嚴毅 介然無纖毫取于人 政聲熒然

明 邳敏 蒲州人 洪武舉人

邳用義 渭南人 弘治中 山東膠州判官

粟 長安商音 古粟陸氏之後

周 粟腹 燕相王使其約歡於趙 以五百重金為趙王酒

漢 粟高 字容卿 高士

粟融 字容卿 儒生 去官不仕于莽

粟賞 見印 數

長安富室有栗氏

宋 栗大用

武宣人年九歲大中祥符間以通五經應童子舉至汴京入見真宗竒之特補登仕郎後

至南雄太守

明 栗銘

山西潞州人弘治進士

栗景初

濬縣人弘治中太常寺丞

栗應麟

潞州人嘉靖進士

栗應宏

字道甫上黨人魁岸逸邁應嘉靖乙酉鄉試不第退居太行山中耕讀以自老平生詩文

多所自定



栗永祿 字士學 山西長治人 嘉靖甲辰進士 歷兵部右侍郎

栗祁 字子原 夏津人 嘉靖壬戌進士 歷叅政

嘉靖己未進士 栗魁 周陽城人 歷官叅議

乙 平原羽音殷 湯字天乙 支孫以王父字為氏 元和姓纂云 襄陽有此姓 望出襄陽河南黎陽

漢 乙世 南郡太守

乙忠 見印 數

晉 乙逸 燕護軍

南 乙環 代人 其先世統部 落太武時 父乙匹 知遣環入 北 乙環 貢帝留之 環善騎射 手格猛虎 尚上谷公 主除

大邑曰庫

萬姓統譜

十二

駙馬都尉賜爵廣平公從車駕南征勇  
冠三軍後進爵為王贈太傅諡曰恭

乙普明

清河人兄弟爭田太守蘇瓊諭之曰天下難  
得者兄弟易求者田地普明兄弟乞出外更

思分異十年  
遂還同住

乙歸

襲父環爵有氣幹頗習書疏尤好兵法尚安樂  
公主除駙馬都尉獻文初秦州刺史有惠政諡

曰  
康

乙誨

字懷仁位散騎侍郎子瓊  
字雅珍累遷兗州刺史

乙愛

揚威  
將軍

宋

乙太度

嘉熙間任寧  
化縣知縣

明乙瑄

河南人成化進士  
歷吏部主事

乙山

海州人嘉靖中  
任東鄉訓導

陝西鎮安縣有乙氏

悉

上悉清

為神農師見  
古今人表

恤恤由之後

周恤由魯大夫恤由之喪哀公使  
孺悲弔之孔子學士喪禮

佚音逸

周佚之孤鄭大夫

聿

周聿修

室出何氏姓苑

宋室种諸衛將軍

遼室昉析津人幼謹厚篤學不出戶外者二十年會同初登進士累官翰林學士遼主數延問治亂得

失奏對稱旨後拜相整革蠹弊知無不言以故法度修明朝無異議

媾巨乙切周婚媾舊姓南燕密須皆媾姓之國媾氏為后稷元妃

宋 姁臨 澤州人

登科

密 姬 姓 書 作 處 言 伏 非 是

漢 密忠 尚書

宋 密佑 密州人 宋末為江西都統 率眾與元帥逆戰于進賢 平天下如雨 面被矢拔之 復戰身被四矢

三鎗遂為所執 不屈而死

明 密定 金筑安撫司人 洪武初年率土歸附 朝廷嘉其忠 授安撫使 子孫嗣之

密鏞 陽谷人 正統舉人 任鳳陽府 同知 著有賢聲子聰舉人

密顯 陽谷人 弘治 中河內縣丞

密聰

陽谷人正德中  
內黃縣知縣

宓

明

萬曆間蘇州府檢  
校宓天麒慈谿人

佛

音弼魯佛肝之後以名為氏

周

佛肝

中牟  
大夫

明

佛正

封邱人安  
慶衛十戶

必

見姓苑

宗

必贊

嘉熙  
進士

郟 山陽宮音晉大夫郟玄子食邑于郟因以為氏洪武

正韻作隙

漢 郟慮 御史大夫

晉 郟正 巴西太守

郟萌 撰春秋災異十五卷

南 郟羽 著春秋問畧十卷

郟曇 以為北中郎持節都督徐兗五州諸軍事

宋 郟濟川 真定人 登科

郟晉卿 景祐登科

明 郝 馴 字子善 固始人 洪武二十四年任寧波府知府

郝 夢 祥 開州人 知縣

郝 琰 南和人 宣德中長治知縣

率 見姓苑 本姓師 避晉諱 改為帥 與率同望 出南陽范陽河南

晉 率 曷 尚書郎

五代 率 汀 周世宗末年伐荆 罕儒為團練使

明 率 慶 高昌人 嘉靖中任平度州判官

律 見姓苑



漢  
律子公

壹

漢  
壹元

見印  
數

明  
壹震昌

永樂間興  
化府經歷

一  
見姓苑

明  
一炫宗

延川人  
正統中  
任靈壽縣丞

一  
洪

鄧州人  
成化中  
贊皇縣知縣

一  
善

定州人  
成化  
中嵩明縣丞

七

明 七希賢

施州衛人正德中永春縣訓導

跌

音頤見直音

唐

跌 跌 䟽

後唐人

柒

明 柒文倫

宣化人弘治舉人

汨

明 汨澄

尋州人正德中任彭澤縣主簿

適

宋

適復

開寶二年以太常  
博士通判秦州

劇

明劇暹

藁城人永樂  
戊子舉人

術

見姓苑今萊陽有此姓

皖

古聿字見纂要

帙

見纂要

質

漢書貨殖傳質氏以灑削而為食

實 實沉之後以名為氏

述 魯大夫仲述之後

匹 見姓苑

逸 見姓苑

日 見姓苑

邲 見姓苑

弼 見姓苑

出 見姓苑

帥 音率見姓苑

蛭 見姓苑

筆 見姓苑

秩 見姓苑

鄮 見姓苑

輩 音卑見姓苑

涑 音七水名見姓苑

秩 音執見姓苑

也 彌也切蕃姓今秦隴有此姓望出晉昌越郡

萬姓統譜卷一百十五